



Adresseinformasjon fylles inn ved ekspedering.  
Se mottakerliste nedenfor.

Dato: 19.05.2021  
Vår ref: 18/04019-15  
Deres ref:

## **Tildeling av driftskonsesjon etter minerallova for Hinderlid massetak i Sveio kommune. Tiltakshavar: Vassbakk & Stol AS**

Ladebekken 50  
Postboks 3021 Lade  
N-7441 Trondheim

**TELEFON** +47 73 90 46 00

**E-POST** post@dirmin.no

**WEB** www.dirmin.no

**GIRO** 7694.05.05883

**SWIFT** DNBANOKK

**IBAN** NO5376940505883

**ORG.NR.** NO 974 760 282

**SVALBARDKONTOR**

**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) viser til søknad om driftskonsesjon for Hinderlid massetak fra Vassbakk & Stol AS (org. nr. 927 048 841).

### **1. Tildeling av driftskonsesjon**

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon fra Vassbakk & Stol AS (org. nr. 927 048 841). Vassbakk & Stol AS (org. nr. 927 048 841), heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av fast fjell i Hinderlid massetak på del av eigedomen gbnr. 91/1 i Sveio kommune. Mineralførekomensten hører til kategorien mineral som grunneigaren eig.

Konsesjonsområdet har eit areal på kring 52 daa og går fram av kart «Hinderlid massetak – konsesjonsområde».

Området er under regulering til massetak.

**Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.**

### **2. Vilkår for driftskonsesjonen**

Konsesjonen blir gjeven på desse vilkåra:

#### **2.1. Driftsplan**

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

## **2.2. Økonomisk sikkerheit**

Tiltakshavaren blir pålagd å stille økonomisk sikkerheit med NOK 600 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti som ein påkravsgaranti for et beløp på NOK 600 000 som skildra i punkt 5.11.

Innan 2 månader etter datoен då konsesjonsvedtaket blei gjort skal Tiltakshavaren ha:

- (i) inngått ein avtale om finansiell sikkerheit med DMF;
- (ii) lagt fram påkravsgaranti frå bank som DMF vurderer som tilfredsstillande;

## **2.3. Bergteknisk ansvarleg**

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

Ein bergteknisk ansvarleg for uttaket, med dei nødvendige kvalifikasjonane, skal vere på plass innan 2 månader etter datoen på dette konsesjonsvedtaket. Innan same dato skal Tiltakshavaren melde inn til DMF namnet på den ansvarlege og legge ved meldinga dokumentasjon på at personen fyller krava til bergteknisk ansvarleg. Dersom verksemda skal leige inn den ansvarlege, skal dokumentasjon på avtalen mellom Tiltakshavaren og den bergteknisk ansvarlege leggjast ved meldinga.

## **3. Godkjenning av driftsplan**

DMF godkjenner driftsplanen for Hinderlid massetak. Den godkjende versjonen av driftsplanen ligg ved dette konsesjonsvedtaket.

## **4. Høyringsfråsegner med kommentarar frå DMF**

Søknaden om driftskonsesjon har vore på høyring, jf. forvaltningslova § 17, hos Sveio kommune, Vestland fylkeskommune, Fylkesmannen i Vestland, Statens vegvesen, NVE, Haugaland Kraft Nett AS og naboor i området.

Høringsperioden var frå 25. februar 2020 til 27. mars 2020. DMF har mottatt høyringsfråsegner frå Fylkesmannen i Vestland, Vestland fylkeskommune, Statens vegvesen, NVE, Haugaland Kraft Nett AS og Eirik Østerhaug.

### Fylkesmannen i Vestland

Fylkesmannen har følgande merknader:

- Verksemda må sikre at det ikkje blir avrenning av finkorna masse til vassdrag
- Det gjørast oppmerksam på kapittel 17 i avfallsforskrifta om handtering av mineralavfall. I et driftsløyve bør det nemnast at dersom det oppstår mineralavfall i drifta, må verksemda etterkome reglane i kapittel 17 i avfallforskrifta.
- For drift av knuseverk gjeld reglane i kapittel 30 i forureiningsforskrifta. Forskrifta set krav til utslepp av vatn, støy og støv. Fylkesmannen skal ha melding om knuseverk, og det er eige skjema på nettsida som kan nyttast.



- Anleggsarbeid i steinbrotet vil medføre støy som er knytt til bruk av anleggsmaskiner, boring, sprenging og knusing av fjell. Det er lagt opp til høge skjæringer rundt uttaket for å skjerme nærområdet. Næraste hus ligg over 200 meter fra uttaket. Verksemda opplyser at det ikkje har vore klager på støy frå naboar i perioden 1982-2018.
- I samband med uttak og knusing av stein vil det oppstå støv. Høge brotkantar vil redusere problema. Fylkesmannen forutset at tiltakshavar har utstyr og rutinar som omfattar bruk av vatn og salt i turre periodar for å redusere støvplager.
- DMF har bedt om en vurdering av et funn av sandsvale i området. Fylkesmannen kjenner ikkje til at arten hekkar innanfor konsesjonsområdet og finn det heller ikkje spesielt sannsynleg, sidan det her er snakk om uttak av fast fjell. Sandsvale er som hekkefugl i stor grad knytt til sandtak som er en erstatningsbiotop for sandbankar langs vassdrag. Fylkesmannen ser derfor ingen grunn til å legge stor vekt på dette funnet og ser heller ikkje behov for avbøtande tiltak.

#### *DMF sine merknader*

DMF føreset at tiltakshavar etterlever regelverket for støv, støy og avrenning. Elles tek DMF høyringsfråsegna til etterretning.

#### Vestland fylkeskommune

Saka er vurdert av regional kulturminnemynde i Vestland fylkeskommune. Arealet innanfor konsesjonsområdet er i stor grad prega av tidlegare tiltak, der det opphavelege terrenget er fjerna. Driftskonsesjonen vedkjem difor ingen kulturminneinteresser. Kulturminneforvaltninga i Vestland fylkeskommune har ingen vidare merknader i saka.

#### *DMF sine merknader*

DMF tek høyringsfråsegna til etterretning.

#### Statens vegvesen

Ved planområdet er det fylkesveg/kommunal veg. Statens vegvesen legg til grunn at drøftingar og avklaringar knytt trafikksikkerheit og framkomst på desse vegane skjer i dialog med dei aktuell vegstyresmaktene. Kryssløysning ved E39 er velregulert etter utbygging av trekantsambandet, med venstrefelt i begge retningar.

#### *DMF sine marknader*

DMF tek høyringsfråsegna til etterretning.

#### NVE

NVE har ingen marknader til søknaden.

#### *DMF sine marknader*

DMF tek høyringsfråsegna til etterretning.

#### Haugaland Kraft Nett AS

Haugaland Kraft Nett AS har en 22 kV kraftledning som går gjennom hele masseuttaksområdet. I søknadens vedlegg 2.4 punkt 12 er spenningsnivå oppgitt til 300 kV. Dette er feil, spenningsnivået er 22 kV.



I utgangspunktet er det ikke anledning til å drive arbeid eller sprenging under eller nærmere enn 5 meter fra en slik 22 kV kraftlinje. Ved uttak av masse og lagring for dette masseuttaket, er desse avstandskrav (som er nedfelt i forskrifter for en slik spenningssatt kraftlinje), overskride fleire gangar. Dette er dokumentert via bilete. I tillegg til dette alvorlege brot på sikkerheitsføresegn, har entreprenør også tatt seg til rette innan ervervet område for rettigheter knytt til kraftlinja.

Som en følge av brot på sikkerheitsføresegn knytt til kraftlinja gjennom uttaksområdet, vil Haugaland Kraft Nett AS av tryggleiksomsyn kreve at gjeldande 22 kV kraftlinje enten blir flyttet eller kablet gjennom masseuttaksområdet før det gis videre driftskonsesjon til masseuttaket. Haugaland Kraft Nett AS ber om at dette blir tatt inn som en føresetnad for fortsatt driftskonsesjon.

#### *Vassbakk & Stol AS sine marknader*

Det er gjennomført en synfaring i uttaket med Haugaland Kraft og det er avtalt arbeidsmetoder for brotet. Det skal innhentas tillating ved arbeid nærmere enn 30 meter fra linja. For avslutningsplanen skal utføres og det skal sprengjast nær- og under linja, så skal det kallast inn til felles synfaring. På bakgrunn av synfaringa skal det lages en plan for linja, og det skal lages en avtale med instruks for gjennomføring før arbeidet starter. Ansvaret for innkalling til slik synfaring har Vassbakk & Stol AS.

#### *DMF sine marknader*

DMF tek til etterretning at forholdet til kraftlinja nå er avklart og at forhold til dette er tatt inn i driftsplanen. Ut over dette tek DMF høyringsfråsegna til etterretning.

#### Eirik Østerhaug

Østerhaug er nabo til uttaket. Han har landbruksareal og beiter som grenser til vegen på uttakets vestside. Det er ikke i bruk per nå, og framtidig bruk vil neppe påvirkes av masseuttaket. Det er likevel ønskelig at skjeringar mot vegen blir husdrysikre.

Uttaket har avrenning frå innkjøring og mot dyrka mark. Tidvis, mest ved brøyting, er det mye sand frå plassen som går i drenering, kor det er usikker på om dette ender i drenering for dyrka mark. Ved økt aktivitet er det derfor ønskelig med avklaring på dette, og eventuelt etablering og vedlikehald av sandfang mot dyrka mark.

#### *Vassbakk & Stol AS sine merknader*

Tiltakshavar vil sikre de påpektte skjeringar slik at folk eller dyr ikke vil komme til skade. Når det gjeld spørsmål om avrenning, har tiltakshavar vært i kontakt med Sveio kommune. Kommunen meiner at det her gjeld sand frå strøing som etter vintervedlikehold blir «sopet» til side og ut i «grøfta». Kommunen har uttalt at skal prøve å unngå dette i framtida.

#### *DMF sine marknader*

DMF føreset at tiltakshavar gjennomfører den nødvendige sikring. Når det gjeld spørsmål knytt til avrenning, vil DMF be om at Østerhaug kontaktar kommunen for vidare oppfølging. Ut over dette tek DMF høyringsfråsegna til etterretning.

### **5. Korleis DMF vurderer søknaden om driftskonsesjon**

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.



Etter minerallova § 43 er det krav om driftskonsesjon frå DMF for samla uttak av mineralførekommstar på meir enn 10 000 m<sup>3</sup> masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnsmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekommsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekommsten. I vurderinga av om det skal gjevest driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

### **5.1 Utvinningsrett**

Mineralførekommsten som skal utvinnast tilhører kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekommsten. Tiltakshavaren har i søknadsprosessen lagt fram ein avtale med grunneigaren/grunneigarane for eigedomen som dokumentasjon for utvinningsrett.

Avtalen gjev Tiltakshavaren utvinningsrett til førekommsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekommsten.

### **5.2 Arealstatus for tiltaket**

Konsesjonsområdet har eit areal på kring 52 daa og går fram av kart «Hinderlid massetak – konsesjonsområde».

I arealdelen av kommuneplanen for Sveio kommune er området øyremerk til næring. Ifølge tiltakshavar er området under regulering.

### **5.3 Økonomien i prosjektet**

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifa som økonomisk skikka.

### **5.4 Driftsplan**

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.



I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 52 dekar som søknaden gjeld. Det totale volumet fast fjell som skal takast ut er estimert til 560 000 m<sup>3</sup>. Det årlege uttaket vil variere med marknaden, men det planlagde uttaket per år er 50 000 faste m<sup>3</sup>. Det er planlagt drift i 3 etappar. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting. Planen er å føre brotområdet tilbake til næring.

Etter DMF si vurdering kan den vedlagde versjonen av driftsplan for Hinderlid massetak godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetmessige variasjoner, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

### **5.5 Bergfagleg forsvarleg drift**

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

### **5.6. Søkjaren sin kompetanse for drift av førekomensten**

I vurderinga av om søkjaren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Rune Flage Stumo som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifterna.

Etter DMF si vurdering har Tiltakshavaren tilstrekkeleg kompetanse til å drive førekomensten.



## 5.7 Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne, og DMF kan setje vilkår i konsesjonsvedtak for å sikre kulturminne og miljøomsyn.

Det finst ingen reguleringsplan for uttaket. Området er regulert til

### *Biologisk mangfald – vurdering etter naturmangfaldlova*

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyryingsfråsegner og eigne søk i Naturbase og Artskart (gjennomførte den 31. mars 2020) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Det er registrert en observasjon av sandsvale innanfor uttakets grenser. Ifølge Fylkesmannen er det ikkje kunnskap om at arten hekker innanfor konsesjonsområdet og finn det heller ikkje spesielt sannsynleg sidan det her er snakk om uttak av fast fjell. Fylkesmannen ser ingen grunn til å legge stor vekt på funnet og ser heller ikkje behov for avbøtande tiltak.

Søk i aktuelle datasett har ikkje avdekt andre funn.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast. I dette tilfellet gjeld det eit uttak som har vært i drift sidan 1985. Det er ikkje avdekkja store skader på økosystem og naturmangfald som en følge av drifta. DMF er derfor av den meining at den samla belastninga på økosystem og naturmangfald ikkje er eit hinder for vidare uttak.

DMF har kome til at det ikkje finst avgjerande moment som talar mot å innvilge konsesjon.

## 5.8. Tilhøvet til omgjevnadene og dei nærliggjande områda under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

DMF har kome til at det ikkje er avgjerande moment som talar mot å innvilge konsesjon.

## 5.9. Kva tiltaket vil ha å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg. Uttekne massar vil nyttas til ulike formar for industriformål, vegbygging etc.



Uttaket vil bidra til å halde oppe sysselsetjinga i lokalsamfunnet/distriktet. Drifta kan òg ha ein positiv verknad ved å gje opphav til eller sikre eksistensen til anna næringsverksemd, eller ved at råstoffet kan vere ein strategisk innsatsfaktor i anna verksemd.

### **5.10. Langsiktig planlegging for etterbruk eller tilbakeføring av området**

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsejon.

### **5.11. Økonomisk sikkerheit**

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshavar har foreslått ein økonomisk sikkerheit på NOK 475 000.

#### **5.11.1. Pålegg om å stille økonomisk sikkerheit og vurdering av kor stor sikkerheita skal vere**

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekke Tiltakshavaren si sikrings- og oppryddingsplikt.

Framlegget frå tiltakshavar i forhold til DMFs utregningar. DMF har lagt inn ei lågare timespris for planering og arrondering, men etablering av sikringsgjerdar er satt opp med ein høgare enheitspris. I tillegg har DMF lagt til pris på tilsåing, samt indirekte kostnadar.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 600 000 for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på:

Kor komplekst uttaket er, massetype, potensiell forureiningsfare, dagbrotsdrift, plassering, etterbruk og lokale tilhøve.

#### **5.11.2. Form for sikkerheit**

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti.

Innan 2 månader etter datoén då konsesjonsvedtaket blei gjort skal Tiltakshavaren stille ein bankgaranti som DMF vurderer som tilfredsstillande som påkravsgaranti for eit beløp på NOK 600 000.

DMF kan fremje krav i høve til bankgarantien i desse tilfella:



- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått har DMF rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren.

Bankgarantien fell bort etter skriftleg samtykke frå DMF.

#### **5.11.3. Rapportering og dokumentasjon**

DMF finn det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Dersom driftsperioden er lengre enn 5 år, skal Tiltakshavaren kvart femte år gjere ei vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

#### **5.11.4. Justering av sikkerheita**

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

Dersom det blir endringar i krava til sikkerheit pliktar Tiltakshavaren å stille med ny påkravsgaranti og/eller signere en pantsettingserklæring som skal sendast banken, og inngå ein ny avtale om finansiell sikkerheit dersom denne skal bestå av anna enn bankgaranti aleine.

### **6. Kor lene driftskonsesjonen gjeld**

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.



## 7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

### Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

### Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

### Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

### Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomensten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

### Rapportering

Tiltakshavaren skal sende årleg driftsrapport til DMF via «Min side» på [dirmin.no](http://dirmin.no).

## 8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.



For nærmere informasjon om minerallova med tilhøyrande forskrifter, sjå heimesida vår på [www.dirmin.no](http://www.dirmin.no). Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Unni Garberg  
seksjonssjef

Thomas Furunes  
seniorrådgiver

*Dokumentet er elektronisk signert og har difor ikkje handskrivne signaturar.*  
Sakshandsamar: Thomas Furunes

Vedlegg:

Hinderlid massetak - godkjent driftsplan  
Hinderlid massetak - godkjent konsesjonsområde  
Hinderlid massetak - avtale om finansiell sikkerhetsstillelse  
Hinderlid massetak - påkravsgaranti

Mottakarar:

Vassbakk & Stol AS	Postboks 63	4291 KOPERVIK
--------------------	-------------	---------------

Kopi til:

Statens vegvesen Region vest	Postboks 43	6861 LEIKANGER
Statsforvalteren i Vestland	Njøsavegen 2	6863 LEIKANGER
Sveio kommune	Postboks 40	5559 SVEIO
Norges vassdrags- og energidirektorat Region vest	Naustdalsvegen 1B	6800 FØRDE
Haugaland Kraft Nett AS	Haukelivegen 25	5529 HAUGESUND
Vestland fylkeskommune	Postboks 7900	5020 BERGEN